

大理縣志稿



数据加载失败，请稍后重试！



数据加载失败，请稍后重试！

大理縣志稿

敘一

大理為滇西名城自盛張受學蒙穀遞王以來代有聞人彪炳史冊顧昔在明清郡志屢修太和首邑志獨闕如民國新制廢郡存縣邦人君子憾邑志之未修而數百年之文獻將無徵也兩年之間聚數十人之心思才力而成此志本末巨細兼綜條貫其用力可謂勤矣近世學人馳域外之觀往往輕去其鄉或且務詆其鄉先達之陳迹以為快吾滇士風篤厚能愛其鄉而斯志也則尤於山川古蹟土宜物產與夫賢士大夫之流風遺韻拳拳如此鑒往以知來傳世

而行遠斷可識也夫述作之業與時推移莫為之後雖盛弗傳自頃艱大頻仍局態萬變邦人諸友其尚於昔日之名德碩學而思所以企及之今日之人心風俗而思所以進益之且擴其愛鄉之心而自愛國毋徒沾沾蒼洱間謂吾志已足也是尤余之所厚望已

中華民國五年十二月唐繼堯序

叙四

中華民國共和告成之歲邑之人士額手稱慶以為自今以始脫奴隸籍作主人翁永享莫大幸福矣於是相與議曰吾邑志乘歲久失修已往者既廢興遷轉之莫稽現在者則改革建設之宜紀遂舉麟等數人任分纂之役顧麟不文曷克勝此然竊念老成凋謝後顧茫茫絕續攸關責將安諉用是不揣空疏從事諸君子後爰創新例大增舊文分門編纂地理一部李君子豫董君廣訓任之建設一部趙君舒怡任

之食貨一部張君聲榮任之祠祀一部李君文源王君巨卿任之至於任社交雜誌兩部者李君潔任學校選舉兩部者王君巨卿任最繁瑣之人物部者亦王君巨卿及楊君楷任武備部者楊君德溥他若藝文之去取則李君潔而楊君楷總其成焉麟所任者地志一部暨地理食貨社交三部中之各一部分耳編輯漸脫衆以為不能不有總纂以集其成也遂咸屬意於麟惟麟自審材力矧復多疾聘書屢領再四乞之自至翌年衆又以麟之不肯獨任也乃並推楊

君楷既前縣知事虞舜知君則又薦李君文琴嗣復由公推叔兄宗瑩李君德徵同校正焉按郡志一纂於明洪武再纂於嘉靖三修於萬曆四修於清之康熙至若縣志自明季張相度纂之究無有繼其後者數百年來烽燧迭經故家零落藏棄散亡百不得一所幸者續修雲南通志時邑中曾設局採訪當日任其事者伯兄宗洛舊稿尚存大可根據而又有採訪諸君零帙搜羅更得補其缺畧耳獨是經濟困難為時雖已三年而度支金僅八百局中惟幹事書役支薪

纂修分纂咸盡義務以故同事諸君多以業務餘力兼及期限遂爾延長茲稿雖脫謬誤必多務就正魁士碩儒裁酌歸當至是麟乃敢告成書也然麟竊有感者鄉先達李中溪曰志也者採訪故實徵諸人事將施有政非徒作也吾邑地盡兩關小若彈丸土瘠賦重民困於農矣工藝既未改良商業日形窳敗城鄉學校雖立如林若論普及為途尚遠職此之故游民愈衆生計愈艱况復不知反求日更習於奢靡斯足徵人民自治能力之薄弱有不必諱言之者嗚呼

序三

耀宗生長京師未識里閭幼聆諸父教誨
舉凡故鄉人物之茂美風俗之醇良山川之
雄秀靡不耳而熟之五年三月以國種
故在唐冀廣都督之招攝當旋滇意故
鄉風景近在咫尺幾過返里門與父老
昆弟一究地方利弊而卒以戎馬倥傯弗能
如願袁氏滅亡黃陂受任旋因長司法之命
下電促再三月將飾裝就道矣適鄉前輩
諸公新纂大理縣志咸寄請省垣公署鑒定
中宵公暇藉得披覽流連反復恍然如置身
蒼洱間凡暨齡時諸父所辟俾而詒者皆

一印證其如繪吾知大理未始不可於廿二外
省中占名邑之位置也雖然耀宗猶有一言進
者方今人類競爭適者生存存以之邑境域之
狹土脈之瘠賦額之重生齒之漸繁商情之不
振生計問題日窘一日使弗由浼直導救奮以儉
更於實業教育加意振興不惟無以啓乃私機
兼恐失去故步究胡由競爭二十世紀之大舞
台而卓然立於不敗也乎是則區區所冀望者
願之父老昆弟以為仁如

中華民國五年七月邑人張耀曾謹叙

君文琴偕楊正修君偕同胞弟宗麟爲總纂員復走書延李樹久君德徵暨宗瑩兩人從而會同校正焉其初分任纂述諸君爲胞弟宗麟趙和堦舒怡楊正修措李子清文源李學海操楊雨村德溥王子敬巨卿張蔭遠肇榮董君迪廣訓李茂生子豫收掌謄錄則幹事朱君芳桂始事於元年壬子冬月再歷寒暑至甲寅秋七月而脫稿夫以榆邑今日土鮮舊德是食農或先疇莫服工無般倖之能商無舟車之便珥筆從事不勝瞻顧旁皇閒管企仰前修曠觀時局慨然有興起奮發之思曩者盛張教授絕學緣漢使傳來楊李仕優有明慶各流輩出人物與天地並立發育英華何分時代攬山川而徵文獻圖書列傳繪撰

不厭精詳考古論今沿革時虞牽混地理食貨創葦爲多戎事人物摭遺務實舉凡事涉荒誕跡近鋪張者概從屏絕不敢謂抉擇精嚴記載美備譬之作室垣墉既勤則暨茨潤色埃諸異日而已在事諸君子高撫遠掎挹羣言以參互攷訂並能實事求是相與有成宗瑩不敏濫廁其間適承先人今有先生餘緒不可謂非厚幸也編輯既竣爰述其梗概如此

中華民國三年歲次甲寅十一月冬至日邑人范宗瑩譔

序六

振筆直書無所偏諱史之例也事果徵信有聞必載志之林也志與史雖不同然所載山川勝蹟人才物產氣候風俗文學武事皆就善美方面立言其所以彰美徵實昭示來茲啟發後人之愛鄉心者則與歷史啓發後人之愛國心者無少異大理爲滇名郡山川則銀蒼玉洱勝蹟如寫韻傳經物產礎璞之奇風貌鄒魯之盛文學武事代有傳人久已史不絕書舉世艷道矣然前無縣志而有府志固多闕而弗周况世變迭乘滄桑屢易其間之忠孝廉節學行事功炳如日星者又繼起有人而一切政俗之沿革文化之變易且今與昔殊使抱守陳編任其缺而

不增畧而弗備是豈有聞必載補史未周之本意耶郡人士卓絕宏博本此意而纂是書勞心苦志匪伊朝夕後之讀是書者於人才當取法乎有功於社會之鄉賢名宦於教化當遵循乎有益於身心之名訓良規於勝蹟物產文學武事尤當愛護改良力圖進步並駕於富美強歐庶幾不負此書之本意並不負纂者之苦心矣乙卯莫春全書告竣執事者丐序於予自揣不才躬逢其盛得藉是書以傳姓名是亦人生之幸因弁數語於簡端以誌不忘

民國四年四月

趙鍾奇

以吾邑歷史之光榮山川之秀美民性之穎異風俗之馴良倘得與鄉邦通人結一自治團體無有壓力無有掣肘舉凡教育實業警務諸大端一一釐定而實施之二十年後社會改良人材茂美方之瑞西西書以大理山水之佳嘗稱詎遽多讓雖然此不過在鄉為中國西方基尼泊言鄉已耳方今世界潮流浩浩滔天國勢之危日形顛覆使非人人存天下興亡匹夫有責之心而仍麻木不仁宰割聽之吾恐為主人者復降為奴隸且旋等於牛馬究何冀幸福之克享也可不懼哉可不警哉

中華民國四年三月邑人周宗麟識於疾存學廬

序五

古者國必有史乘與櫛杌春秋尙矣封建變為郡縣志卽其史之一體名義則廣狹攸分杜佑通典叙州郡詳略有法意在辨區域徵因革知要害察風土也舊縣太和為大理府郭負山面水在漢置葉榆縣蒙段之世擬於上都元明以來列為劇郡志乘紀載所關綦重舊志為有明侍御李中溪先生所載筆原帙今不可見前清康熙三十三年通守黃元治蒐而輯之足稱典贈道光中先伯曾祖今有先生彙輯草志今數十年未有嗣音况復劫歷兵燹變極滄桑在昔土地人民政事之蔚為盛烈鴻庥者亦既聲銷迹熄故府無稽修舉曷賴雖子遺父老口述筆

大理縣志稿

卷首

序五

十一

書於光緒十三年續脩通志時承檄採訪彙帙申送但為日既久原稿湮散復多民國元年邦人士以宇宙重光而邑志闕如無以信今而傳後纂述宜亟議既定當事者力任籌費假毛公祠設局採訪惟是大理故列為郡領三縣四州政府廳州制統名為縣舊志斷難沿襲其間筆削宗綱固唯總纂是賴然皆謙讓未遑而體例章程不能不折衷一是集議商榷乃定為地志地理建設食貨典祀社交學校武備選舉人物藝文雜志凡十二部分目三十六復撰纂脩體例採訪章程各若干條是役也究因經費短絀以他項職務兼任纂脩勢難刻期歲事二年冬合肥虞舜知先生來知縣事經世才優修舉廢墜又訂李郁堂

序八

志亦史之遺意也古史春秋尙矣孔子欲後世人心之益進於敦厚風俗益進於良善所以有春秋之作大理爲吾滇最文明之邦人心素厚風俗亦良覽大理府志略見一斑然昔無縣志僅有府志於縣事恒病弗詳民國成立改府爲縣時代變更志其尤亟此楊范周李諸君所以毅然興起有修大理縣志之舉也夫疆域沿革山水土宜人物古蹟亘古不移者也其與時變遷隨世界而益有進步者則人心風俗而已此志一成凡一縣之事悉載無遺無論學術實業等事今昔不同即人心風俗亦大可印證行見越數十年或數百年或數千年世界益進於文

明而人心之有未盡敦厚風俗之有未盡良善者亦因之而完全全於敦厚良善之境未始非此志隱厲感發懲創之意有以致之也此則范周楊李諸君修志之苦心亦在銘之所深望而默禱者也志之告成於中華民國四年之三月適在銘知大理縣事六月矣披覽之餘樂而爲之序

大理縣知事昆明金在銘

序九

大理爲滇西名勝之區山川風物人文衣冠頗頗中州顧自康熙中通判黃君纂修郡志後續纂無人郡志載縣諸生張相度曾纂縣志其更喪亂其人其書俱無從考民國反正取銷郡制更爲縣名以昔郡之名名之邑紳設局修志予適宰是邦冀斯役之有成也乃書未成而予調赴中甸民國四年春復奉權斯土邑之有來告者曰斯役雖倡自前縣長張君而促其速成者實賴君之力也願君一言以垂不朽予惟人物之美根於山川大理蒼山秀列十九峯洱海環之如畫圖漢唐以後代有賢人民生恬熙敦樸不見外事爲向來撫斯土者所樂道然自功令

變更老成凋謝以視曩昔人材風俗亦稍替矣氣運之升降地方之休戚所關亦典守者之責也予不敏襄成此書以彰往昔即以勵將來而尤亟亟者則以昔更喪亂若沙定洲杜文秀之役忠魂義魄幽滯不章者得此而傳之亦大足慰幽冥之望誰謂鄉縣紀述無關於治教也歟

民國六年六月知縣事虞 鉞撰

序七

邑之有志猶國之有史也國不可無史邑不能無志自古人心風尚無三十年不變之機譬之江河日下所難挽者頽波運會屢遷亟宜持者靡俗所賴關心世道者表章前軌則懷葛常留炯戒來修則澆漓返樸志乘之足以勵人心而維風尚者豈淺鮮哉慎迨之西山水之佳勝人物之輩出莫過於大理故昔人稱爲文獻此志之不可無也考其郡志遠者難徵於有明之嘉靖年間業已修輯屢遭兵燹刊板已災於祝融於前清康熙三十三年經通判黃元治復行蒐輯已臻美備至道光中葉有鄉先生彙輯縣志然因滄桑屢變未見成書於光緒十三年雲南

續修通志業經採訪而原帙終屬灑散未及編輯重可惜也竊以大理素稱人文淵藪若無有留心文獻者爲之繼述則遺文淪落紀載闕如不特近事無徵並前人之志亦因是而不得爲全書故夫志乘之遺爲之後者有藉於前爲之前者尤未始不有待於後也予於民國二年冬因楊逆春魁之變奉

飭戡平榆亂現值承平大理士紳諸君子力將縣志編輯成書思深緒密言簡意賅核其地志地理建設食貨典祀社交學校武備選舉人物藝文雜志諸要事莫不條分縷析犁然粲然洵足以考古證今開來繼往至一切鋪張荒誕之事悉屏不書尤得要領誠志乘中之信史也披覽既竟因歎諸君子之用心勤

而是書之美且盛其可傳信於後無疑矣吾願後之君子此後因文明之進化人心風尚之轉移於數十年後起而續修之安知後之視今不倍盛也哉是爲序時民國四年三月陸軍步兵上校五等文虎章步兵第四團團長華封歌謹序

叙十一

古無所謂史也上古之世荒遠難稽孔子刪書斷自唐虞存書百五篇書亦史也存詩三百十一篇詩卽史也何以言之典謨明授受勸懲紀征伐禹貢別貢賦詰命重職任陳戒明刑各具史義至於詩關睢首王化緇衣美好賢車攻馬同言中興北風雨雪警將亂政煩賦重則有哀楚之譏贈芍采蘭則薄鄭衛之俗美刺殊文褒貶寄意其後雅亡風在清議猶凜凜存至魯有頌而周益衰風變終陳詩遂亡矣詩亡孔子懼作春秋自是有國者有史朱子踵事綱目亦春秋意也故綱目書而亂臣賊子懼或者乃曰志亦史之遺意郡邑有志所以萃而爲一國之史

也否則國史無徵雖然史有褒貶志則善善從長有褒而無貶衡之史例終覺未當然則何仿乎夫以九州土宇萬國山川物產殊宜風俗異尚各志本土以明一方如盛宏之荊州記常璩華陽國志辛氏三秦羅氏關中陸璣洛陽其殆庶幾乎大理郡也民國肇興夷而爲縣縣志前清初張相度纂之郡志則自有明迄清中葉凡數修焉今旣縣矣郡志紀四州三縣旣不違於今且於縣事亦略今可不爲張公之續乎然同人僉以易專制爲共和國體旣變志之體例亦不能不變故輿圖有地志而無天文財政判國家與地方學校有新舊之制選舉有投票之文特於循吏而外加以墨吏風俗之紀不去弊俗亦庶幾善善中

寓惡惡略存史義褒貶之例歟琴自蜀歸里閭適際斯盛前縣知事黃叔寶君一再面延皆以不敏辭謝繼任虞舜知君責以大義復致函敦迫始克濫竽其間然一切凡例則出自楊正修君楷財政則始於張蔭遠君肇榮成於周瑞章君宗麟鄺人從諸君子後實無裨於是役然竊有進者惟冀後之賢者思百里之封域何以善繼善述敦人民於富庶還敦龐之風俗培植人才者思已往之名宦鄉賢將何以繼盛軌而軼羣倫雖曰武裝時代不替文獻舊名以學術爲體以勲業爲用以倫理爲本以幹濟爲末庶幾吾邑之大幸也善哉顧亭林之言曰天下興亡匹夫有責慎勿作爲口頭禪必也明體達用見諸實行否則日

言負責毫不負責或有志負責才不足以濟之識不足以達之力不足以肩之亦徒呼負負而已稿旣成用誌數語於簡端以勸來者其他諸序言所已及者概略弗贅
中華民國四年乙卯四月中浣邑人李文琴撰

序十

專制告終共和成立之元年邑之薦紳先生汲汲皇皇咸以纂修邑志爲當務之亟熱忱所注事易克舉籌經費則衆樂捐輸分纂述則咸盡義務逾兩寒暑克蕙厥事說者謂前此僅有郡志而邑志闕如諸薦紳先生胡以默默於前而又亟亟於後誠大惑莫解者也不知前專制時代也今茲共和時代也專制時代可以無志共和時代則不能無志何則專制時代以君爲主體有國史可也地方志則等諸弁髦耳故可以無志共和時代以民爲主體國史則非所適宜故不可無志說者又謂集民而成國國史即所以代表民史前日地方之志既等諸覆瓿今日

之志亦同於束閣已耳是奚足異哉不知中國之歷史僅紀一姓之盛衰於民族之盛衰無與也縱覽廿四代史氏之書直謂之廿四姓之家譜可耳烏足以代表民族哉說者又謂前各直省各郡邑固各有志也今日之志與前各直省各郡邑之志有以異乎曰是烏得無異前日之志志輿地志建設志職官志人物志食貨志祀典而已耳今日之志雖亦志輿地建設職官人物志食貨祀典而其所注重者則在夫學校之進步也農業之出產也工藝之改良也商務之競爭也其他社會之現象閭閻之習慣風俗之厚薄禮節之奢儉種族今昔之興替民權勞力之消長尤三致意焉嘗聞泰西各國之強弱胥於民族史焉覘之

蓋凡有國家者民族史其最要也今之邑志雖未得直謂之曰民史然亦具體而微未始非民史之濫觴此吾邑人士所以汲汲皇皇以纂成是志爲今日之急務故雖城鄉之衝突士紳之齟齬楊逆之叛亂屢經破壞而卒底於成者蓋有不容已之勢也夫吾邑以天時論四時溫和無大寒大暑之區以地理論蒼洱之秀甲於全球美哉河山吾人生斯遊斯誠莫大之幸福也雖然猶有慮天演公例優勝劣敗自今以往日陷於競爭旋渦之中吾邑負山而海地僅百里加之土地瘠薄物產無多苟不於學校農產工藝商務諸大端兢兢焉日思所以勝人其何以立足於生存之世乎邑志之修意在志諸往者策其將來後此

或十年或二十年繼續而纂修之較之今日之所志者比例而叅觀焉咸曰土也農也工也商也民德也民智也民權也是誠較之當日而已大有進步矣此則同人始事之本意也夫時中華民國四年二月邑人楊楷正修氏序於還讀書屋

前清廩生楊承熙

系家

修志姓氏

監修

大理縣	大理縣	大理縣	大理縣	大理縣
知事	知事	知事	知事	知事
張培爵	黃彝	蘇桂芬	虞鉞	金在鎔

雲南軍政府特派政務員前知廣西荔浦縣事

周宗麟 楊楷

大理縣志稿 卷首 修志姓氏

一

前清附貢生四川知縣 李文琴 分修

前清舉人內閣中書四川石碛同知雲南廣西縣知事

周宗麟

廩貢生試用巡檢雲南存記行政員財政廳驗契股科員

趙舒怡

前清廩生雲南優級師範生省立第二中學校教員

王巨卿

雲南軍政府特派政務員前知廣西荔浦縣事

楊楷 楊德溥

前清貢生代理廣東海康縣事大理團保局所長

張肇榮

前清舉人日本宏文學校畢業省立第二中學校教員

李澡

前清貢生昆陽縣知事 李文源

雲南優級師範選科畢業生省立第二中學校教員

董廣訓

雲南優級師範選科畢業生省立第二中學校教員

李子豫

校正

大理縣志稿 卷首 修志姓氏

二

前清甲午科進士浙江烏程縣知縣永北縣知事

李德徵

採訪

范宗瑩

前清賜進士廣西凌雲縣知縣大姚縣知事

張忠

前清舉人 候選知縣 張汝厚

前清舉人 候選知縣 楊上培

前清舉人 候選知縣 趙甲南

前清舉人 候選知縣 楊文佐

前清優貢 朝考二等 趙紹周

凡例

一本志以徵集文獻記載風土循核名實主張公論資考鏡於
既往藉垂鑒於來茲爲宗旨

一大理原爲府治名稱民國廢府治今縣沿用其名本志即名
曰大理縣志

一志書以紀實爲第一要義事勢既今昔各異編輯貴增損咸
宜各府州縣舊制如分野災祥之類事涉虛誕本志概不相
沿而近時地方諸新政其爲舊志綱目所無者事關典要悉
予增入雖編時紀事處於異族時有軒輊國仇所繫實爲天
下公言

大理縣志稿

卷首

例言

一

一本志體例略根據雲南通志其標識類別援引名詞參評議
於紀載之中附表說於概略之後則兼仿近世著述地圖亦
較舊式詳確而工然綜覈全志精神不外注重鄉土獎勵鄉
人其分類誌事處結構雖新體例適合

一本志凡三十二卷內分地志地理建設食貨社交學校武備
祠祀秩官人物藝文雜志十二部部各分綱網各分目以便
觀覽

一本志成帙後經縣知事詳送省公署交輯刻叢書處審核
呈覆發交旅省同鄉公推總校集合同儕除經審核指駁各
節先即發凡起例澈底修正外餘一覆加校訂然吾邑志乘

久付闕如老成彫謝文獻就湮採訪諸多困難編纂因之不
易未盡疵謬在所難免尙乞閱者隨時賜教是幸

大理縣志稿

卷首

例言

二

前	前	前	前	測繪畢業生	測繪畢業生
清	清	清	清	陸軍中尉	陸軍中尉
文	文	文	文	董	董
生	生	生	生	張述祖	張述祖
蔡先春	李希同	單汝昌	楊鳴皋		

重加校正名氏

總校

參議院補選議員雲南省會議員督軍公署高等顧問官五等

嘉禾章

周宗洛

校正

雲南省會議員大姚縣知事張忠

分校

雲南第一師範學校教員王毓崧

雲南財政廳總務科驗契股科員存記行政員王巨卿

同分校

雲南廣西縣知事趙舒怡

陸軍部二等軍法正雲南第一師軍法課長趙錫焜

雲南省長公署存記分治員省會第一師範學校教員朱鑄

朱鑄

雲南師範選科畢業省會農業學校教員四川督軍署參謀廳

趙國政

員 幹事經理排印採訪

優增生雲南存記縣知事周汝誠

文 生楊允昌

雲南第一師範學校教員李琛

軍事

卷之十

祠祀部

典祀 宗教附

卷之十一

秩官部

封爵

使命

官制題名

世職

大理縣志稿 卷首

綱目

三

武烈

循吏

貪墨

卷之十二

人物部一

鄉賢

卷之十三

人物部二

卓行

卷之十四

人物部三 上

忠烈 上

卷之十五

人物部三 下

忠烈 下

卷之十六

人物部四

義士

卷之十七

人物部五

大理縣志稿 卷首

綱目

四

孝友

卷之十八

人物部六

文學

卷之十九

人物部七

選舉

卷之二十

人物部八

軍職